

Egibar: «HBk bide politikoaren aldeko apostu argia egin duela erakutsi du»

IU eta Eak ongi ikusi dute EHren sorrera, «izen aldaketa bat baino gehiago bada

Euskal Herriarrok hautesle elkarte berriaren sorrerak erreakzio anitz sortu ditu gainontzeko alderdietan. EAJk HB koalizio abertzalea «bide politikora gerturatzan» ari dela uste du; Eak «hauteskundeetara begira» hartutako erabakitza jo du, eta IU-EBk aldaketak zer ekarriko duen erakusteko eskatu dio HBri.

Erredakzioa / Donostia

ALDERDI POLITIKOETAKO ordezkariak erreakzio ezberdinak izan dituzte HBk datozen hauteskundeetan EH hautesle elkarte berriarekin aurkezteko hartutako erabakiaren aurrean. EAJko bozeramaile Joseba Egibarrek HBk «bide politikoaren aldeko apostu argia» egin duela esan zuen atzo. Egibarrentzat «sigla berriak erabiltzearekin, HBk ETak erabakitzen duenaren menpe dagoen alderdi bat izatearen iruditik aldegin nahi du».

«Aldaketa HB legez kanpo uztearen balizko erabakiari aurre egiteko hartu ahal izan dute; baina, bestetik, politika egonkortzeko bidean pauso bat gehiago ere bada», esan zuen Egibarrek. EAJko bozeramailearentzat, «beste espektroetako jendea» bilatzeak politikara gerturatzeko asmoa erakusten du, eta oso erabaki «errespetagarria» da.

Iñaki Anasagastik ere HBk «politika egin» nahi duela ondorioztatu du erabakiaren berri izan ondoren. «Nik uste dut sintoma bat dela, eta ikusi nahi ez duenak eskubide osoa du horretarako». HBk legez kanpo geratzeari buruz, berriz, honela hitz egin du Anasagastik: «Ezin da aukera hori baztertu. Mayor Oreja izan zen Egin-en itxiera publiko egin zuena, eta ez zen ezer gertatu; HBren



Joseba Egibar aurtengo Aberri Egunaren balorazioa egin zuen egunean.

XOUSE SIMAL

Joseba Egibar:

«HBk ETak erabakitzen duenaren menpe dagoen alderdi bat izatearen iruditik aldegin nahi du»

Inaxio Oliveri:

«Hauteskundeetara begira hartutako erabaki bat besterik ez da, HBk irudi atseginago bat eman nahi du»

buruzagitza espetxean zela publiko egin zuena, eta ez zen ezer gertatu; beraz, posible da HB legez kanpo uztea eta ezertxo ere ez gertatzea».

Juan Maria Atutxa Herrizaingo sailburuak esan duenez, Irlandako adibideak «ondorio latzak ditu ETaren munduan», eta hori izan daiteke hautesleen elkarte berria sortzearen arrazoietakoa bat. Atutxaren arabera, «HBk demokratik hainbatetan eskatutako bidea hartu duela dirudi».

Inaxio Oliverik iritzi ezkorragoa agertu du HB EH siglen barruan aurkezteko erabakiaren ostean. Hezkuntza sailburuarentzat, «hauteskundeetara begira hartutako erabaki bat da». HBk irudi «atseginago» bat eman nahi duela azaldu zuen; baina bere ustez, «ez da benetako aldaketa». Oliveriren aburuz, hori denborak erakutsiko du. Oliverik, bestalde, Irlandako foroan HBekin parte ez hartzeko «inolako arrazoirik» ez dagoela esan du.

IU-EBko diputatu Jose Navasek, berriz, erabakiak izen aldaketa bat baino «aldaketa sakonagoa» ekar dezakeela uste du. Navasek, hala ere, hemendik aurrera «jarraituko dituzten ideia politikoak» azaltzeko eskatu die bai HBri eta baita hauteskundeetara eurekin aurkeztuko direnei ere. IUko buruzagaiarentzat, horrek erakutsiko baitu benetako aldaketa bat eman den.

Antton Karrera bere alderdiki-dea baino ezkorrago azaldu da HBren aldaketa bati buruz hitz egiterakoan. IU-EBko koordinatzailearentzat, «irekiago» jokatzan ari direla erakusten du. Karrerarentzat, ETaren tregua batek bakarrik erakutsiko luke «Arnaldo Otegi bezalakoek erakunde armatuaren aginpidea dutela». «Hori gertatzen ez den bitartean, ETaren mehatxuak bizirik da-rrai, eta HB ez da biolentzia publiko arbuiautzen ausartuako», gaineratu zuen Karrerak. x

PP, PSE-EE eta UArentzat «makilaje operazio» bat da

■ Carlos Iturgaitzen ustez, HBren munduan «ETak jarraitzen du agintzen eta segi bidea jartzen»

Erredakzioa / Donostia

PSE-EE, PP eta UA alderdi politikoetako ordezkarien ustez, HB hauteskundeetara EH hautesleen elkarte berriaren zerrendetan aurkezteak ez da «makilaje operazio bat besterik». Hala, alderdi horietako politikariek HBn aldaketa egon dela ez sinisteko deia egin zieten gainontzeko alderdiei.

Carlos Iturgaitzen arabera, «ez da sigla aldaketa soil batean galdu behar». «Izan ere, lepoko ezberdina eduki arren, jende bera da», esan zuen atzo EAEko PPko presidentek. Iturgaitzek azaldu zuenez, zerrendetako izenak begiratzea nahikoa da: «Nahikoa da izenak begiratzea. Idigoras, Ote-

gi, Rafa Diez- EH HBren jarraipen bat besterik ez dela ohartzeko». PPko buruzagiaren ustetan, «mundu horretan ETak jarraitzen du agintzen eta jarraitu beharreko bideak ezartzen».

Ildo berean mintzatu zen Ramon Jauregi ere. «Sigla horiek moztzeko bat dira», esan zuen PSOeko autonomia Politikoko idazkariak. Izena aldatzearen atzean «taktika mugimendu» bat ikusten zuela azaldu zuen: «Hauteskundeetara begira hartu dute erabakia, baina ez da sakoneko mugimendu bat».

Jauregik, bestetik, guztiz baztertu du HBekin elkarriketaren hasteko aukera, nahiz eta Mahai Nazional berrian «jarrera aldake-

ta» bat egon izana onartu duen: «Mahai Nazionalen jarrera aldaketa izan arren, hauek ez dute inolako eraginik ETarengan, hausnarketa politikoetik at baitago». Balizko tregua bati buruz, berriz, honela hitz egin zuen Jauregik: «Treguari izango bakaerako bidean, hauteskundeetara begira hartutako erabaki taktiko bat besterik ez litzateke eta».

Patxi Lopez Bizkaiko PSE-EEko idazkari nagusia ados agertu zen bere alderdikidearekin erabakia makilaje operazioz jartzekoan. Dena dela, Lopezek HBren aldatzeko asmoa benetako dela erakusteko aukera paregabea duela esan zuen: «Hori baiolen-

tziatik betirako urrunduz, gaitzetsiz eta terrora amaitzeko eskatuz lortuko lukete».

Pablo Mosquerak ildo berean hitz egin zuen: «Zakur berdinak lepoko ezberdinarekin esaldia benetako dela erakutsi dute: eta hori ikusten ez duenak akats izugarria egingo du». UAKo idazkari nagusiak baldintzatu egin zuen balizko aldaketa hori: «EHk ETari biolentzia uzteko eskatzen dionena sinestuko dugu erakunde berri bat dela». Mosqueraren ustez, dena den, HBren kanpaina bat da. «HBk eszenaratze berri batekin harritu nahi gaitu, hobeak, zintzoagoak eta politagoak direla sinestaraziz», gaineratu zuen. x

Erreakzio ugari sortu ditu Espainiako agintarien artean

■ Gil Lazarok

«mugimendu taktikotzat» jo du erabakia

Agentziak / Madril

JOSE MARIA MICHAVILLAK, Korteekiko Erlazioetarako Estatuko idazkariak, HBk eman behar lukeen aldaketa bakarra «ETari hiltzeari uzteko eskatzea» dela azaldu zuen. «Egokiena HBk bere mentalitatea aldatzea, eta euskal herritarrek eskatzen dutena eskatzea litzateke: ETak hiltzeari uzteko», adierazi zuen.

Barne Ministerioko PPko bozeramaile Ignacio Gil Lazarok ez zion garrantzirik eman izen aldaketari, bere ustez, «ETaren meneko indar politikoa izaten jarraitzen baitu». Halaber, «mugimendu taktikotzat» jo zuen erabakia. HBk ETA laguntzeari utzi beharko liokeela, eta Zuzenbidezko Estatutuaren oinarriko arauak onartu beharko lituzkeela uste du Gil Lazarok. «Hori da HBk zintzilik duen aldaketa».

Juan Ignacio Barrero Senatuko presidenteak ere ildo beretik hitzegin zuen. «Duen izena duela ere, guztiek dakite ETaren beso politikoa dela», esan zuen. Barrerok, HBren asmoa euskal herritarrek «engainatzea», eta «botuak mantentzea» dela adierazi zuen. x

Santacristina ETatik kanporatzean «krontraesana» ematen dela dio IUK

Agentziak / Madril-Bilbo

ETak Alvarez Santacristinaren kanporatzeak erreakzioak sortu ditu politikarien artean. Rosa Aguilar IUK Kongresuan duen bozeramaileak azaldu duenez, Santacristinaren kanporatzearekin «kontraesana» sortzen da. «Txelis elkarriketaren aldekoa izanik, kontraesana sortzen da HBk erakutsi nahi duen aurpegi politiko berriaren eta elkarriketaren eta hiltzeari uztearen alde dagoen pertsona bat kanporatzearen artean», esan zuen Aguilarrek. Aguilarrek, bestetik, «hitz egiteko eta ez ixiltzeko» gonbitea egin die ETaren barruan erakundearen biolentzia zalantzan jartzen duten guztiei.

UAKo Idazkari Nagusi Pablo Mosquerak, berriz, «ENAMen iragarritako aldaketa ideologikoa ez sinisteko» ohartarazi die euskal nazionalistei. «Erakunde armatuan ez dago itxaropenik eta mafia bat besterik ez dira», esan zuen atzo Mosquerak Santacristinaren kanporatzeari erreferentzia eginez. x